

87 сургъульчнр 10-ч класс төгсәсн аттестат авб

Шууврин сұл бдр давб. Май сарин 30-с авн эндр бдр күртл балгъсна негдгч номер-тә дундин школд цуг багшн-рин коллективин джилдән кесн көдлмшиг шуудж диглгч ик көдлмш кегдджәв.

Эн школин 10-ч классмудар шуувр өгх зөвтә бәәсн 91 сургъульчнрас 87 көвүд күүкд 10-ч класс чиләдж, аттестат авх зөв авчана. Дөрвн кун неджәггәд предметән август сарла шинәс шууврән өгх болдж гарв.

Медрл иткүлгч цаасн, тер дотр мана багъчудин джиргъ-лин уудинь секгч аттестат кун болгъна хув-джиргълд ямаран ик чинр зүүдгнь кенд болв чигн легд сәәнәр медглнә. Тер учр деерәс, шууврән өгчәх сургъульчнр болгън оныгта-гъяр, тоолвртагъяр белддж, шуувртән ирджәцхәв. Эдн нургълдж сән темдгтәгъяр чиләджәнә.

Ганцхн литературар „4“, цуг наадк предметән „5“ гисн темдгт Литвененко Тамара шууврән өгв. Эн күүкнә материалиг Мөнъгн медаль авхд белдджәнә.

„4“ болн „5“ гисн темдгтә-гъяр шууврән өгсн сургъуль-чнрин тоод Кривоносова Свет-лана, Киселев Валентин, Мас-лов Владимир, Медведева Ва-

лентина, Серых Анатолий, Шкурков Владимир, Аждаев Анджа болн нань чигн кесг сургъульчнр бәәнә. Сургъуль-чнр Кукенов Виктор, Букре-ева Лидия, Алексеева Гренада болн нань чигн кесгнь неджә-ггәд „3“ гисн, наадксарнь „4“ болн „5“ гисн темдгтәгъяр шууврән өгцхәв.

Шуувр төгсв. Джиргълин хаалгъан чикәр, эндурл уга шуудж авх керг ода эн сур-гъульчнрин өмн үлдв. Эн ик джанъгърта төр. Чик джиргъ-лин хаалгъан, дурта специаль-ностән эндү угагъяр шуудж авсн цагт, хөбннь оньдинд седкл төвкнүн, кесн көдлм-шиннь күүл болгънд байрлдж, куч-көлснь киидән тус уга-гъяр үрл уга, олтәмтнә тоом-срта кергт лавта дөнъ күрг-джәхән меддж, кун болгън үнн седкләрн байрлх зөвтә. Ода бийнь альвн-дольвн эн багъ-чудиг залдж, чик хаалгъднь орулхд багшнрин коллектив, школин гардачнр болн эк-эцк-нр ик оныган өгч нөкд болх зөвтә.

Шууврән өгч чиләсн 87 сур-гъульчнр, манъгъдуртнь эв-рәннь багшнртагъан „Страна Советов“ колхозин эрдни-ши-шән өвс түүлгънд оддж нөкд болв.

С. АНТОНОВА.